

WBO On Oromiyaa Bakkoota Adda Addaa Keessatti Loltootaa fi Ergamtoota Wayyaanee Irratti Injifannoo Goonfate!



(Madda Oduu ABO/MOA/Muddee 10, 2013) Humni addaa WBO Muddee 3, 2013 Ona Giddaa Ayyanaa bakka Guttiin jedhamu fi Onaa Habee Dongoroo gidduu bakka bishaan Mo'aa jedhamutti humnota basaasa wayyaanee godinota Wallagga Lixaa, Bahaa fi Horroo Guduruu keessaatti dalagaa basaasummaa irratti bobba'uun uummata hiraarsa turan haxxeen haleelee 2 ajjeessuun 3 irraa madeessuu ajajni Humna Addaa WBO Abdii uummataa gabaase.

Basaasotni diinaa Amanu'eel Daanyaachoo fi Hasan Mohammad kanneen ajjeeffaman yo tahan, Faasil Bayyane, Daniel Ababee fi Yaasiin Huseen ammoo kanneen madaa'an tahuu gabaasi kun dabalataan addeessa. Kana malees Konkolatan basasotni kun ittin socho'aa turan lakkoobsi gabatee A.A01791 tarkaanfii kana keessatti barbadaa'uun ibsameera. Tarkaanfii kanan walqabatee mootummaan shororkeessaa Wayyaanee uummata nagaa Onaa Giddaa bakka Shaashoo barrii irra namota 20, Guuttiin irraa namota 14 akkasumas Godina Horroo Guduruu Wallaaggaa Onaa Habee Dongoroo irraa namota 8 ol hidhuu ibsi ajaja Godinaa Baha Wallaggaa beeksise. Ummatni mirga isaaf falmatu ajjeechaa fi hidhaa diinaan ni jabaata malee hin laaffatu.

Tarkaanfii boonsaa fudhatameen qabeenyi diinaa birrii miliyoona 500-tti tilmaamamu barbadaa'e. Mootummaan Wayyaanee erga aangootti ol bahee bittaa umrii isaa dheereffatuuf saaminsaan qabeenya horachuun of cimsuutti dabalee jaleewwan, miseensotaa fi amanamoo isaa bu'aan bitatuu fi of deggersiisuun jiraate. Addatti ammo aangawotni TPLF qabeenya uummataa saamuudhaan qabeenya daangaa hin qabne horatuun kan hundaan beekamuu fi ifatti mul'atu dha.

Aangawoota TPLF kanneen akka Azeb Mesfinii fi Barakat Simon aangaawota tika sirnichaa waliin wal tahuun wiirtuu daldalaa Makaatoo naannoo "Jooniyyaa Safar" jedhamee beekamutti ijaarun miseensotaa fi deggertoota isaaniitti kireessuun galii jabaa irraa argatuun of duroomsan Kanatti dabalees Wiirtuun daldalaa kun iaaniin alattis madda galii ol aanaa aangaawotaa fi jaarmayaa TPLF tahee yeroo dheeraaf tajaajilaa ture. Gochaa saaminsaa daangaan alaa kana dhaabuu fi madda galii saamtotaa kutuuf tarkaanfii wiirtuu kana irratti fudhatameen wiirtuun daldalaa kun qabeenya keessatti argamu waliin guutummaatti barbadeeffameera. Walii gala tarkaanfii fudhatame kanaan qabeenyi barbadaawe Birrii miliyoona 500-tti tilmaamama.

Gama biraan caasaa mootummaa fi aangoo qabanitti dhimma bahuun ummata Oromoo fi deggertoota QBO dura dhaabbatuutti dabalee kan ilmaan Oromoo hidhaa fi dararaa irraan gahaa turan irratti tarkaanfiin maayyii fudhatame. Tarkaanfii bakka mul'ataa teessoo mootummaa abbaa irreetti fudhatame kanaanis

1. Komaander Tsehaayyee Gebre Kiristoos, Komaandera Poolisii Finfinnee naannoo Meeksikoo
2. Komaander Siraaj Abdulqaadir kanneen jedhaman irratti fudhatame.

Tarkaanfiin kun diina QBO yeroo dheeraa irratti fudhatamuun ilmaan Oromoo fi deeggartoota QBO hedduu kan boonsee fi gammachiise dha.

Komaanderootni kunneen lameen yeroo dheeraaf ilmaan Oromoo waraana keessatti argamanii fi ilmaan Oromoo mana hidhaatti ukkaamsaman irratti darara daangaa hin qabne geessisaa kan turan oggaa tahu akeekkachiisa kennamaa tureenis tuffii waan agarsiisaniif tarkaanfiin maayyii kun irratti fudhatame.

Kun kana oggaa tahu karaa biraan ummatni biyya isaa irratti tuffatamee akka lammii 2ffaatti ilaalamuun qabeeny isaa irratti alagaan ajaju tarkaanfii fudhatuun eenyummaa isaa agarsiisa. Mirgi isaa hanga kabajamuttis kan diina irraa hin dhaabne tahuu hojiin agarsiisa.

Mootummaan Wayyaanee saaminsa ofiif durummaan geggeessutti dabalee saamtota guuza waammatuun ummoota cunqurfamoo mara addatti ammo ummata Oromoo jireenya dhorkatee akka jiru beekamaa dha. Kanneen lafaa fi qabeenya Oromoo saamuun ittiin duroomaa jiran keessaa lammiileen Chaaynaa maqaa investerummaan biyya seenan keessatti argaman.

Lammiilee Chaaynaa saaminsa irratti bobba'an keessa tokko kan tahee fi harka mirgaa Wayyaanee tahuun kan hojjataa ture Saaying Jedhama. Lammii Chaaynaa kun akeeka saamuun duroomuu qabatee dhufe kana of irraa maqsuuf tarkaanfiin maayyii irratti fudhatamee jira. Investera Chaayinaa kan tahe Saaying Godina shawaa bahaa EAST INDUSTRIAL ZONE keessatti manaajerummaan tajaajilaa kan ture, lafa Oromiyaa abuuruuf wayita bobba'etti Godina Jimmaa aanaa Shaabee Somboo keessatti tarkaanfiin maayyii kun irratti fudhatame.

Ummata Oromoo irratti wayyaanee goobsuu keessatti dhaabbiileen investmentii Chaayinootaa fi Chaaynootni qooda ol aanaa akka qaban hubatamaa dha. Biyyaa fi lafa gurguruutti kan bobba'ee jiru sirni Wayyaanee yeroo ammaas lafaa fi qabeenya albuudaa investeroota Chaaynaa fi Hindootaatti gurguruu itti fufee jira

I.U.Of!!